

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", br. 30/09 - Prečišćeni tekst), Općinski načelnik, dana 12.02.2013. godine, verificovao je i donio

ODLUKU**O KOREKCIJI IZMJENA I DOPUNA REGULACIONOG PLANA "DOBRINJA"****Član 1.**

Utvrdjuje se Korekcija Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje stambeno-poslovnog objekta, na parcelama označenim kao k.č. 1168/1, 1168/3, 1170/2 i 1170/3 k.o. Dobrinja, Općina Novi Grad Sarajevo, prema sljedećim urbanističko-tehničkim uslovima, odnosno na način:

- Namjena planiranog objekta je stambeno-poslovni, a spratnost je podrum, prizemlje, dva sprata i mansarda (Po+P+2+M), Regulaciona linija objekta obuhvata parcele označene kao k.č. 1168/1, 1168/3, 1170/2 i 1170/3 k.o. Dobrinja, Općina Novi Grad Sarajevo, na način kako je prikazano u grafičkom prilogu br. 2 i 3.
- Građevinska linija prizemne i posljednje etaže je povučena u odnosu na građevinsku liniju ostalih spratnih etaža, što je prikazano u grafičkom prilogu br. 2, tako da max. BGP prizemlja i posljednje etaže iznosi po 200 m², a max BGP spratnih etaža iznosi po 300 m², te max. BGP svih nadzemnih etaža planiranog objekta iznosi 1000 m².
- Max. visine vertikalnih gabarita pojedinih dijelova planiranog objekta definisane su visinskim kotama u odnosu na visinsku kotu prizemlja i naznačenu apsolutnu kotu, što je prikazano u grafičkom prilogu br. 2. Potrebno

je obezbijediti parking prostor unutar regulacione linije parcele planiranog objekta sa minimalnim brojem 1 stan - 1 parking mjesto i određenim brojem parking mjesta za potrebe poslovnog dijela objekta.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta.

Tekstualni dio i grafički prilog korekcije Plana su sastavni dio Izmjena i dopuna Regulacionog plana "Dobrinja" ("Službene novine Kantona Sarajevo", broj 35/06).

Član 4.

Korekcija Plana je radena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Dobrinja", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".

Broj 02-23-2281/13
12. februara 2013. godine

Općinski načelnik
Semir Efendić, s. r.

OPĆINA TRNOVO**Općinsko vijeće**

Na osnovu člana 131. Poslovnika o radu Općinskog vijeća Trnovo ("Službene novine Kantona Sarajevo", broj 12/08 i 36/08), Općinsko vijeće Trnovo, na 1. konstituirajućoj-radnoj sjednici, održanoj 17.12.2012. godine, donijelo je

ODLUKU**O IZBORU PREDSEDAVAJUĆEG OPĆINSKOG VIJEĆA TRNOVO****Član 1.**

Za Predsjedavajućeg Općinskog vijeća Trnovo izabran je Zijo Krupalija iz Saveza za bolju budućnost Bosne i Hercegovine.

Član 2.

Ova Odluka stupa na snagu danom donošenja, a naknadno će se objaviti u "Službenim novinama Kantona Sarajevo".

Broj 01-02-269/13
06. februara 2013. godine
Trnovo

Predsjedavajući
Općinskog vijeća Trnovo
Rešad Gadžo, s. r.

Na osnovu člana 131. Poslovnika o radu Općinskog vijeća Trnovo ("Službene novine Kantona Sarajevo", broj 12/08 i 36/08), Općinsko vijeće Trnovo, na 1. konstituirajućoj-radnoj sjednici, održanoj 17.12.2012. godine, donijelo je

ODLUKU**O IZBORU ZAMJENIKA PREDSEDAVAJUĆEG OPĆINSKOG VIJEĆA TRNOVO****Član 1.**

Za Zamjenika Predsjedavajućeg Općinskog vijeća Trnovo izabran je Munib Torlak iz Stranke demokratske partije.

Član 2.

Ova Odluka stupa na snagu danom donošenja, a naknadno će se objaviti u "Službenim novinama Kantona Sarajevo".

Broj 01-02-270/13
06. februara 2013. godine
Trnovo

Predsjedavajući
Općinskog vijeća Trnovo
Rešad Gadžo, s. r.

Na osnovu člana 28. Poslovnika o radu Općinskog vijeća Trnovo ("Službene novine Kantona Sarajevo", broj 12/08 i 36/08), Općinsko vijeće Trnovo, na 1. konstituirajućoj-radnoj sjednici, održanoj 17.12.2012. godine, donijelo je

ODLUKU**O IZBORU KOMISIJE ZA IZBOR I IMENOVANJA****Član 1.**

U Komisiju za izbor i imenovanja, izabrani su:

- Munib Torlak, predsjednik
- Zijo Krupalija, član
- Emina Drkić, član
- Emin Bandić, član